



10392

西樵語業

目錄

水調歌頭 七調

滿江紅 四調

瑞鶴仙 一調

賀新郎 二調

念奴嬌 二調

洞仙歌 二調

鵲橋仙 二調

蝶戀花 三調

千秋歲 一調

玉人歌 一調

點絳脣 二調

秦樓月 一調

浣溪沙 二調

桃源憶故人 一調

踏莎行 一調

減字水蘭花 一調

生查子 一調

柳梢青 一調

西樵語業目

相見歡 一調

訴衷情 一調



西樵語業目錄終

西樵語業

廬陵 楊炎正 濟翁

水調歌頭

登多景樓

寒眼亂空闊客意不勝秋強呼斗酒發興特上最高樓舒卷江山圖畫應答龍魚悲嘯不暇顧詩愁風露巧欺客分冷入衣裘忽醒然成感慨望神州可憐報國無路空白一分頭都把平生意氣只做如今憔悴歲晚若爲謀此意仗江月分付與沙鷗

又

呈辛隆興

杖屨覓春色行徧大江西訪花問柳都自無語欲成蹊不道七州三壘今歲五風十雨全是太平時征轡

西樵語業

晚乘月漁釣夜垂絲

詩書帥坐圍玉麈揮犀輿方

不淺領袖風月過花期只恐梅梢青子已露凋羹消息金鼎待公歸回首滕王閣空對落霞飛

又

送張使君

父老一杯酒爭勸使君留可憐桃李千樹無語送歸舟聽得拈笙玉指都把萬家遺愛吹作許離愁倚醉袖紅溼生怕夕陽流問君侯今幾日到東州還家時候次第梅已暗香浮只恐道間驛使先寄調羹消息歸去總無由鼎鉉功名了徐赴赤松遊

又

呈趙總領

買得一航月醉臥出長安平隄千里過盡楊柳綠陰

間依約曉鶯啼處認得南徐風物客夢恍驚殘重到  
舊遊所如把畫圖看 英雄事千古意一凭闌惜今  
老矣無復健筆寫江山天上人間知己賴有使星郎  
宿照映此塵寰準擬五湖去爲乞釣漁竿

又

把酒對斜日無語問西風胭脂何事都做顏色染芙  
蓉放眼暮江千頃中有離愁萬斛無處落征鴻天在  
闌干角人倚醉醒中 千萬里江南北溯西東吾生  
如寄尙想三徑菊花叢誰是中州豪傑借我五湖舟  
楫去作釣魚翁故國且回首此意莫匆匆

又

西樵語業

二

一笛起城角吹破小梅愁東風猶未誰遣春信到吾  
州聞得東來千騎鼓舞兒童竹馬和氣與空浮桃李  
未陰處準擬種千頭 今太守宋人物晉風流政成  
談笑不妨高興在南樓只恐蓬萊仙伯合侍玉皇香  
案難作寇恂留約住紫泥認憑軾且優游

又

踏碎九街月乘醉出京華半生湖海誰念今日老還  
家獨把瓦盆盛酒自與漁樵分席說尹政聲佳竹馬  
望塵去倦客亦隨車 聽熏風清曉角韻梅花人家  
十萬說盡炎熱與浴嗟只恐棠陰未滿已有楓宸趣  
召歸路不容遮回首江邊柳空著舊樓鴉

滿江紅

春入臺門又見染柳絲新綠對此景一年爲壽一番  
添福莫怪鳳池頒詔晚要教淮水恩波足聽邊民千  
歲頌聲中重重祝 堂萱茂庭芝馥歌倚扇杯持玉  
共勸君一醉滿斟醕醑今夜東風吹酒醒明朝萬里  
騎黃鵠向九霞光裏望宸輝看除目

又

筆染相思暗題盡朱門白壁動離思春生遠岸煙銷  
殘日楊柳結成羅帶恨海棠染就胭脂色想深情幽  
怨繡屏間雙鸞鵲 春水綠春山碧花有恨酒無力  
對一匳愁思九分孤寂寸寸錦腸渾欲斷盈盈玉淚

西樵語業

三

應偷滴倩東風吹雁過江南傳消息

又壽稼軒

壽酒如澠棹一醉勸君休惜君不記濟河津畔當年  
今夕萬丈文章光焰裏一星飛墮從南極便御風乘  
輿入京華班卿棘 君不是長庚白又不是嚴陵客  
只應是明主夢中良弼好把袖間經濟手如今去補  
天西北等瑤池侍宴夜歸時騎箕翼

又

典盡春衣也應是京華倦客都不記麴塵香霧西湖  
南陌兒女別時和淚拜牽衣曾問歸時節到歸來稚  
子已成陰空頭白 功名事雲霄隔英雄伴東南拆

對雞豚社酒依然鄉國三徑不成陶令隱一區未有  
楊雄宅問漁樵學作老生涯從今日

天瑞鶴仙

元夕爲王使君賦

風光開舊眼正梅雪初消柳絲新染樓臺競裝點照  
金荷十里珠簾齊捲湘絃楚管動香風旌旗影轉望  
雲間一點台星飛下洞天清晚 爭看袖紅圍坐舞  
翠回春笑歌生暖歡聲正遠嬉遊意未容懶恐絲綸  
趣召清都仙伯歸去朝天夜半倩邦人挽取鰲頭醉  
扶玉腕

賀新郎

十日狂風雨掃園林紅香萬點送春歸去獨有茶蘼

西樵語業

四

開未到留得一分春住早楊柳趁晴飛絮可奈暖埃  
欺晝永試薄羅衫子輕如霧驚舊恨到眉宇 東風  
臺榭知何處問燕鶯如今尙有春光幾許可殺一年  
遊賞倦放得無情露躡爲喚取扇歌裙舞乞得風光  
還兩眼待爲君滿把金杯舉扶醉玉伴揮塵

又

寄辛潭州

夢裏驂鸞馭望蓬萊不遠翩然被風吹去吹到楚樓  
煙月上不記人間何處但疑是蓬壺別所縹緲霓裳  
天女隊奉一仙滿把流霞舉如喚我醉中舞 醉醒  
夢覺知何許問瀟湘今日誰與主盟尊俎無限青春  
難老意擬倩管絃寄與待新築沙隄穩步萬里雲霄

都歷徧卻依前流水桃源路留此筆爲君賦

念奴嬌

漢天雲靜望一星飛過湘南湘北當是郴山猿鶴夢  
喚起日邊消息羽扇綸巾浩然乘興此意無人識扁  
舟千里但聞清夜橫笛 記得天上人間去年今日  
曾作稱觴客明月風煙依舊似只覺蓬萊懸隔更恐  
明朝韶黃飛下趣駕冲霄翼袞衣劍履望公長在南  
極

又

杏花楊柳對東風染盡一年春色彈壓煙光三萬頃  
誰識清都仙伯夜泛銀潢手移星緯飛墮從天闕御

西樵語業

五

風乘興偶然身到鄉國 二年人樂昇平舞臺歌榭  
處處紅牙拍壽酒千觴斟不盡一醉何妨今夕更約  
明年鳳凰池上去作稱觴客梅花折得贈君調鼎消  
息

洞仙歌

芙蓉開了春未江梅透小小東風弄晴晝把萬家和  
氣吹入笙歌爐熏裏都與慈闈做壽 黃堂今日貴  
自著萊衣捧勸金船十分酒願從今江海上日日韶  
華桃李徑總爲人間種就但看取天邊老人星有一  
點台星共光南斗

又

壽稼軒

帶湖佳處髣髴真蓬島會對金尊伴芳草見桃花流水別是春風笙歌裏誰信東君會老功名都莫問總是神仙買斷風光鎮長好但如今經國衣袖裏偷閑天不管怎得關河事了待貌取精神上凌煙卻旋買扁舟歸來聞早

鵲橋仙

思歸時節乍寒天氣總是離人愁緒夜來無奈被西風更吹做一簾秋雨征衫拂淚闌干倚醉羞對黃花無語寄書除是雁來時又只恐書成雁去

又壽稼軒

築成臺榭種成花柳更又教成歌舞不知誰爲帶湖

西樵語業

六

仙收拾盡壺天風露閑中得味酒中得趣只恐天還也妬青山縱買萬千重遮不斷詔書來路

蝶戀花

別范南伯

離恨做成春夜雨添得春江剗地東流去弱柳繫船都不住爲君愁絕聽鳴鶻君到南徐芳草渡想得尋春依舊當年路後夜獨憐回首處亂山遮隔無重數

又

稼軒坐間作首句用邱六書中語

點檢笙歌多釀酒不放東風獨自迷楊柳院院翠陰停永晝曲闌隨處堪垂手昨日解醒今夕又消得情懷長被春僝僽門外馬嘶人去後亂紅不管花消



瘦

又

萬點飛花愁似雨，峭殺輕寒，不會留春住。滿地亂紅風掃聚。只教燕子，啣將去。獨倚闌干，閑自戲深院。無人行到無情處。簾外絲絲楊柳舞，又還裝點人情緒。

千秋歲

代人為壽

五雲縹緲朝退，金門曉歸未穩。傳宣到龍樓，陪夕宴。鳳沼吟春草，人間世，誰知自有蓬萊島。一杯宜勸了，換得天顏笑。人不老，春長好。從今千百歲，總是中書考。瑤池會，金盤剩薦安期棗。

西樵語業

七

玉人歌

風西起，又老盡籬花。寒輕香細，漫題紅葉，句裏意誰會。長天不恨江南遠，苦恨無書寄。最相思，盤橘干枚，膾鱸十尾。鴻雁阻歸計，算愁滿離腸，十分豈止倦。倚闌干，顧影在天際。凌煙圖畫，青山約，總是浮生事。判從今，買取朝醒夕醉。

點絳脣

邂逅開尊，眼中有個人。纖軟袖羅輕，轉玉腕。回春暖韻，處無多，只惱人。腸斷詞將半，近前相勸，撲撲清

香滿

又送別洪才之

水載離懷暮帆吹月寒欺酒楚梅春透忍放持杯手  
莫唱陽關免溼盈盈袖君行後那人消瘦不惱詩  
腸否

秦樓月

東風寂垂楊舞困春無力春無力落紅不管杏花狼  
籍斷腸芳草萋萋碧新來怪底相思極相思極冷  
煙池館又將寒食

浣溪沙

楊柳籠煙裊嫩黃桃花蘸水染紅香薄羅衫子日初  
長飲盡東風三百盞醉來愁斷幾回腸教人獨自  
遣風光

西樵語業

八

又

三徑閑情傲落霞五湖高興不浮家自斟北斗浸丹  
砂閑把胸中千澗壑撰成醉處一生涯雪樓風月  
篆崗花

桃源憶故人

尊前未語眉先皺只把橫波斜溜此意問春知否蝶  
困蜂兒瘦 睇睺呷丁些來酒越會把人僝僽有箇  
約伊時候夢裏來相就

踏莎行

宿鷺棲身飛鴻點淚不堪更是重陽到一襟無處著  
淒涼倚闌看盡斜陽倒 瘦減難豐悲傷易老淡觴

消得黃花笑畫眉人去玉篔存濃愁如黛憑誰掃

減字木蘭花

月明如晝占斷小樓供把酒入眼人人如月精神更有情  
大家休睡留到天明和月醉生怕醒來月到波心憶酒媒

生查子

金蓮照夜紅玉腕扶春碧曲妙過雲行人好欺花色  
歡生酒面濃笑染爐香溼飲盡十玻璃月墮東方

白

柳梢青

生紫衫兒影金領子著得偏宜步穩金蓮香熏紈扇

西樵語業

九

舞轉花枝 捧杯更著睚眦唱一箇新行耍詞玉骨

冰肌好天良夜怎不憐伊

相見歡

江湖萬里征鴻再相逢多少風煙摸在笑談中 歌  
裙醉羅巾淚別愁濃瘦減腰圍不礙帶金重

訴衷情

露珠點點欲團霜分冷與紗窗錦書不到腸斷煙水  
隔茫茫 征燕盡塞鴻翔睇風檣闌干曲處又是一  
番倚盡斜陽

西樵語業

終



竹屋癡語

目錄

齊天樂 三調

玉樓春 四調

玉蝴蝶 一調

臨江仙 二調

金人捧露盤 三調

風棲梧 三調

賀新郎 一調

喜遷鶯 二調

菩薩蠻 六調

青玉案 一調

醉落魄 一調

夜合花 一調

花心動 一調

昭君怨 一調

杏花天 四調

祝英臺近 二調

江城子 一調

生查子 六調

竹屋癡語目

解連環 二調

燭影搖紅 一調

憶秦娥 二調

清平樂 二調

更漏子 一調

東風第一枝 二調

山花子 一調

浣溪紗 五調

蘭陵王 二調

水龍吟 三調

聲聲慢 一調

隔浦蓮 一調

思佳客 六調

永遇樂 一調

玲瓏四犯 一調

御街行 二調

霜天曉角 三調

眼兒媚 一調

卜算子 一調

西江月 一調

點絳脣 二調

踏莎行 二調

戀繡衾 一調

風入松 二調

南鄉子 一調

洞仙歌 一調

柳梢青 一調

少年遊 一調

訴衷情 一調

夜行船 一調

滿江紅 一調

酬江月 一調

謁金門 一調

留春令 四調

太常引 一調

浪淘沙 一調

意難忘 一調

雨中花慢 一調

八歸 一調

瑞鷓鴣 一調

竹屋癡語目

二

竹屋癡語目錄終

竹屋癡語

宋 高觀國

齊天樂

碧雲闕處無多雨，愁與去帆俱遠。倒葦沙閑，枯蘭砌冷，寥落寒江秋晚。樓陰縱覽，正魂怯清吟，病多依黯。怕揖西風，袖羅香自去年減。風流江左，久客舊遊，得意處，朱簾曾捲。載酒春情，吹簫夜約猶憶。玉嬌香臉，塵樓故苑。嘆壁月空簷，夢雲飛觀。送絕征鴻，楚峰煙數點。

又菊

叢幽一笑東籬曉，霜華又隨香冷。暈色黃嬌，低枝翠

竹屋癡語

婉來，趁登高佳景，誰偏管領。是彭澤歸來，未荒三徑。最愜清觴，道家標致，自風韻。南山依舊翠倚，採花無限，思西風吹醒。萬蕊金寒，三秋夢好，曾記餐英清詠。闌斑淚沁，怕節去蜂愁，雨荒煙暝。明日重陽，爲誰簪短鬢。

又中秋夜懷梅溪

晚雲知有關，山念澄霄捲。開清霽，素景分中冰盤正。溢何啻，嬋娟千里，危闌靜倚。正玉筵吹涼，翠觴留醉。記約清吟，錦袍初喚，醉魂起。孤光天地共，影浩歌誰與。舞淒涼，風味古驛煙寒。幽垣夢冷，應念秦樓十二。歸心對此，想斗插天南，雁橫遼水。試問姮娥，有愁

能爲寄時刻或于孤光天  
地共影下分段非

玉樓春擬宮詞

幾雙海燕來金屋香滿離宮三十六春風翦草碧纖  
纖春雨浥花紅撲撲衛姬鄭女腰如束齊唱陽春  
新製曲曲終移宴起笙簫花下晚寒生翠縠

又海棠題寅  
齋挂軸

胭脂染出春風錦生怕黃昏人有恨雨難揩淚玉環  
嬌煙不遮愁紅袖冷醉魂吹斷香魂靜拂拂翠眉  
羞帶粉最憐新燕識風流只爲春寒消瘦損

又春思

多時不踏章臺路依舊東風芳草渡鶯聲喚起水邊

竹屋癡語

二

情日影炙開花上霧謝娘不信佳期誤認得馬嘶  
迎繡戶今宵翠被不春寒只恐香穠春又去

又憶舊

春煙澹澹生春水會記芳洲蘭棹巖岸花香到舞衣  
邊汀草色分歌扇底棹沈雲去情千里愁壓雙鴛  
飛不起十年春事十年心怕說濺裙當日事

玉蝴蝶秋思○時  
刻不載

喚起一襟涼思未成晚雨先做秋陰楚客悲殘誰解  
此意登臨古臺荒斷霞斜照新夢踏微月疎砧總難  
禁盡將幽恨分付孤斟從今倦看青鏡既遲勩業  
可負煙林斷梗無憑歲華搖落又驚心想蕁汀水雲



愁凝閉蕙帳猿鶴悲吟信沈沈故園歸計休更侵尋

臨江仙

東越道中

俱是洛陽年少客才華迴出天真青衫慣拂輓紅塵  
酒狂因月舞詩俊爲梅新寄語長安風月道鶯花  
緩作青春披風沐露問前津客中春不當歸去倍還  
人

又

風月生來人世夢魂飛墮仙津青春日日醉芳塵一  
鞭花陌曉雙漿柳橋春前度詩留醉袖昨宵香泥  
羅巾小姬飛燕是前身歌隨流水咽眉學遠山顰

金人捧露盤

水仙花

竹屋癡語

三

夢湘雲吟湘月弔湘靈有誰見羅襪塵生凌波步弱  
背久羞整六銖輕娉娉裊裊暈嬌黃土色輕明香  
心靜波心冷琴心怨客心驚怕珮解卻返瑤京杯擎  
清露醉春蘭友與梅兄蒼煙萬頃斷腸是雪冷江清

又梅

花

念瑤姬翻瑤珮下瑤池冷香夢吹上南枝羅浮夢杳  
憶曾清曉見仙姿天寒翠袖可憐是倚竹依依溪  
痕淺雪痕凍月痕淡粉痕微江樓怨一笛休吹芳信  
待寄玉堂煙驛雨淒遲新愁萬斛爲春瘦卻怕春知

又

楚宮闕金成屋玉爲闌斷雲夢容易驚殘驪歌幾疊

至今愁思怯陽關清音恨阻抱哀箏知爲誰彈  
年華晚月華冷霜華重鬢華斑也須念闕損雕鞍斜緘  
小字錦江三十六鱗寒此情天闊正梅信笛裏關山

鳳棲梧

雲喚陰來鳩喚雨謝了江梅可踏江頭路拚卻一番  
花信阻不成日日春寒去見說東風桃葉渡岸隔  
青山依舊修眉婦歸雁不如爭上柱一行常見相思  
苦

又題巖室

巖室歸來非待聘渺渺千崖漠漠江千頃明月清風  
休弄影只愁踏破蒼苔徑摘取香芝醫鶴病正要

竹屋癡語

四

冷  
矐仙相伴清閑性朝市不聞心耳靜一聲長嘯煙霞

又湖頭卽席  
長翁同賦

西子湖邊眉翠嫵魂冷孤山誰是風煙主相喚吟詩  
天欲雨嫩涼不隔鷗飛處移下天孫雲錦渚翠蓋  
牽風綽約凌波女清約已成君記取月明夜半魚龍  
舞

賀新郎  
梅賦

月冷霜袍擁見一枝年華又晚粉愁香凍雲隔溪橋  
人不度的皦春心未縱清影怕寒波搖動更沒纖毫  
塵俗態倚高情預得春風寵沈凍蝶挂么鳳一杯

正要吳姬捧想見那柔酥弄白暗香偷送回首羅浮  
今在否寂寞煙迷翠隴人爭奈桓伊三弄開徧西湖  
春意爛算羣花正作江山夢吟思怯暮雲重

喜遷鶯

代人甲西  
湖歌者

歌音淒怨是幾度詆春春都不管感綠驚紅輦煙啼  
月長是爲春消黯玉骨瘦無一把粉淚愁多千點可  
憐損任塵侵粉蠹舞裙歌扇轉盼塵夢斷峽裏雲  
歸空想春風面燕子樓空玉臺妝冷湖外翠峰眉淺  
綺陌斷魂名在寶篋返魂香遠此情苦問落花流水  
何時重見

又懷秋

竹屋癡語

五

涼雲歸去再約著晚來西樓風雨水靜簾陰鷗閒菰  
影秋到露汀煙浦試省喚回幽恨盡是愁邊新句倦  
登眺動悲涼還在殘蟬吟處淒楚空見說香鎖霧  
扇心似秋蓮苦實瑟彈冰玉臺窺月淺淡可憐偷聚  
幾時翠溝題葉無復繡簾吹絮鬢華晚念庾郎情在  
風流誰與

菩薩蠻

春思

春風吹綠湖邊草春光依舊湖邊道玉勒錦障泥少  
年遊冶時煙明花似繡且醉旗亭酒斜日照花西  
歸鴉花外啼

又

蘇堤  
芙蓉

紅雲半壓秋波碧豔妝泣露嬌啼色佳夢入仙城風  
流石曼卿 宮袍呼醉醒休捲西風錦明日粉香殘  
六橋煙水寒

又 水晶

玉鱗熬出香凝軟并刀斷處冰絲顛紅縷間堆盤輕  
明相映寒 纖柔分勸處膩滑難停筯一洗醉魂清  
真成醒酒冰

又

玉闌秋色知誰主隔闌一架蒲萄雨綠蘚怕啼螿可  
堪宮漏長 烏絲吟古怨清淚消塵硯夢冷不成雲  
□峯峯外情

竹屋癡語

六

又 中

何須急管吹雲暝高寒灑灑開金餅今夕不登樓一  
年空過秋 桂花香霧冷梧葉西風影客醉倚河橋  
清光愁玉簫

又 詠雙心  
水仙

雲嬌雲嫩羞相倚凌波共酌春風醉的皜玉臺寒肯  
教金釵單 只疑雙蝶夢翠袖和香擁香外有鴛鴦  
風流煙水鄉

青玉案

平生似欠西湖債每拚了金貂解嫵媚煙雲多變態  
雕鞍來處畫船歸去花柳春風隘 玉京相接蓬壺

界入畫遙山翠分黛蘇小不來時節改一隄風月六  
橋煙水鷺約鷗盟在

醉落魄

鉤簾翠溼寒江上雨晴風急亂峰低處明殘日雁字  
成行界破暮天碧故人天外長爲客倚闌一望情  
何極新來得個歸消息去掉回舟數過幾千隻

夜合花

斑駁雲開濛鬆雨過海棠花外寒輕湖山翠暖東風  
正要新晴又喚醒舊遊情記年時今日清明隔花陰  
殘香隨笑語特地逢迎人生好景難并依舊鞦韆  
巷陌花月逢瀛春衫抖擻餘香半染芳塵念嫩約香

竹屋癡語

七

難憑被幾聲啼鳥驚心一庭芳草危闌晚日無限消  
凝

花心動梅

意

碧蘚封枝點寒英疎疎玉清冰溼夢憶舊家春與新  
恩曾映壽陽妝額綠魂青袂南隣伴應怪我精神都  
別恨衰晚春風意思頓成羞怯猶念橫斜性格惱  
和靖吟魂自來清絕斜傍勁松偷倚修篁總是歲寒  
相識綠陰結子當時意到如今芳心銷歇小橋夜清  
愁倦陪澹月

昭君怨

題春波  
獨載圖

一棹莫愁煙艇飛破玉壺清影水濺粉消寒縹雲鬢

不肯凌波微步卻載春愁歸去風澹楚魂驚隔瑤

京

杏花天

春愁

霽煙消處寒猶嫩乍門巷情情晝永池塘芳草魂初  
醒秀句吟春未穩仙源阻春風瘦損又燕子來無  
芳信小桃也自知人恨滿面羞紅難問

又

遠山學得修眉翠看眉展春愁無際雨痕半溼東風  
外不管梨花有淚西園路青鞵暗記怕行人鞦韆  
徑裏一春多少相思意說與新來燕子

又

題杏花春禽扇面掛軸

竹屋癡語

八

花凝露溼胭脂透是綵筆丹青染就粉綃帕入班姬  
手舒卷清寒時候春禽靜來窺晴晝閑冷落芳心  
知否不愁院宇東風驟日日嬌紅如舊

又杏  
花

玉壇消息春寒淺露紅玉嬌生靚豔小憐鬢溼胭脂  
染只隔粉牆相見花陰外故宮夢遠想未識鶯鶯  
燕燕飄零翠徑紅千點桃李春風已晚

祝英臺近

荷花

擁紅妝翻翠蓋花影暗南浦波面澄霞蘭艇採香去  
有人水濺紅裙相招晚醉正月上涼生風露兩凝  
伫別後歌斷雲閉嬌姿黯無語魂夢西風端的此心

苦遙想芳臉輕顰凌波微步鎮輸與沙邊鷗鷺

又聞

一窗閨孤燼冷獨自箇春睡繡被熏香不似舊風味  
靜聽滴滴簷聲驚愁攪夢更不管庾郎心醉 念芳  
意一併十日春寒梅花睖憔悴懶做新詞春在可憐  
裏幾時挑菜踏青雲沈雨斷盡分付楚天之外

江城子

代作

綠叢籬菊點嬌黃過重陽轉愁傷風急天高歸雁不  
成行此去郎邊知近遠秋水闊碧天長 郎心如妾  
妾如郎兩離腸一思量春到春愁秋色亦淒涼近得  
新詞知 怨妾無訴泣蘭房

竹屋癡語

九

生查子

詞詠芹

野泉春吐芽泥溼隨飛燕碧澗一杯羹夜韭無人剪  
玉釵和露香鵝管隨春軟野意重殷勤持以君王  
獻

又

芙蓉羞粉香倚竹窺煙霽眼帶楚波寒骨豔春風醉  
誰傳側帽情想解遺鞭意紅葉可憐秋不寄相思  
字

又

史輔之席上歌者  
贈雲頭香乞詞

蓬萊一捻雲徹骨龍涎染風味韻而芳笑語柔而婉  
花嬌綠鬢寒酒凝清歌怨翠幄已煙穠銀燭重休

翦

又木香

春籠雲潤香露溼青蛟瘦偷學漢宮妝舞徹霓裳後  
酥胸紫領巾冰翦柔荑手有意入羅囊不肯成春

酒

又

飛花澹澹風被暖疎疎雨香潤玉階塵翠溼紗窗霧  
鈿箏離雁行寶篋留釵股唯有鳳樓魂夜夜江南

路

又梅次韻

香驚楚驛寒瘦倚湘筠暮一笛已黃昏片月尤清楚

竹屋癡語

十

沈沈冰玉魂漠漠煙雲浦酸淚不成彈又向春心  
聚

解連環柳

露條煙葉惹長亭舊恨幾番風月愛細縷先宰輕黃  
漸拂水藏鴉翠陰相接纖軟風流眉黛淺三眠初歇  
奈年華又晚縈絆遊蜂絮飛晴雪 依依灞橋怨別  
正千絲萬緒難禁愁絕悵歲久應長新條念曾繫花  
驄屢停蘭幟弄影搖晴恨閒損春風時節隔郵亭故  
人望斷舞腰瘦怯

又春水

浪搖新綠漫芳洲翠渚雨痕初足蕩霽色流入橫塘



看風外漪漪皺紋如縠藻荇繁迴似留戀鴛飛鷗浴  
愛嬌雲蘸色媚日接藍遠迷心目雲仙源漾舟岸曲  
照芳容幾樹香浮紅玉記那回西洛橋邊濺裙翠傳  
情玉纖輕掬三十六陂錦鱗渺芳音難續隔垂楊故  
人望斷浸愁千斛

別浦潮平遠村帆落煙江冷征鴻相喚著行飛不耐  
霜風緊雲意垂垂未定正慘慘雲橫疎影酒醒情緒  
日晚登臨淒涼誰問行樂京華輾紅不斷香塵噴  
試將心事卜歸期終是無憑準寥落年華將盡誤玉  
人高樓凝恨第一休負西子湖邊江梅春信

竹屋癡語

十一

憶秦娥

棲鳥驚隔窗月色寒於冰寒於冰澹移梅影冷印疎  
橋幽香未覺魂先清無端勾起相思情相思情惱  
人無睡直到天明

又

舟中  
書事

歌聲闌蘭舟只隔芙蓉灣芙蓉灣扇搖波影風捲雲  
鬟餘音嫋嫋留飲歡雙鴛飛處傳情難傳情難曲  
終人去愁寄湖山

清平樂

秋葉

盤枝翦翠葉葉西風意吹上玉人雲鬢底無限新涼  
氣味飄蕭露捲煙柔絕憐不逐官流寄語多情宋

玉悲秋得似宜秋

又

春滿雨溼燕子低飛急雲壓前山羣翠失煙水滿湖  
輕碧小蓮相見灣頭清寒不到青樓請上琵琶絲  
索今朝破得春愁

更漏子

玉簫闕清韻咽人倚畫闌愁絕雲惱月月羞雲半溪  
梅影昏恨春風蕭散後夜夜數殘更漏情悄悄思  
依依天寒一雁飛

東風第一枝

爲梅溪壽

玉潔生英冰清孕秀一枝天地春早素盟江國芳寒

竹屋癡語

十二

舊約漢宮夢曉溪橋獨步看灑落仙人風表似妙句  
何遜揚州最惜細吟清峭香暗度照影波渺春暗  
寄付情雲杳愛隨青女橫陳更憐素娥窈窕調羹雅  
意好贊助清時廊廟羨韻高只有松筠共結歲寒難  
老

又 王戊立春日訪梅溪雨中同賦

燒色回清冰痕綻白嬌雲先釀酥雨縱寒不壓葭塵  
應時已鞭黛土東君入夜怕預惱詩邊心緒意轉新  
無奈吟魂醉裏已題春句香夢醒幾花暗吐綠睡  
起幾絲偷舞酒醅清惜重斟菜甲嫩憐細縷玉纖綵  
勝願歲歲春風相遇要等得明日新晴第一待尋芳

去

山花子

嫋嫋天風響珮環  
鵲橋有女夜乘鸞也恨別多相見  
少似人間銀浦無聲雲路渺  
金風有信玉機闕生  
怕河梁分袂處  
曉光寒

浣溪沙

遮坐銀屏度水沈  
障風羅幕皺沈金日遲宮院靜  
惜情繁杏半窺紅日薄  
小憐低唱綠窗深  
試拈犀管寫春心

又

魂是湘雲骨是蘭  
春風冰玉注芳顏  
誰招仙子在人

竹屋癡語

十三

閒濺水裙兒香霧皺  
睡花衫子碧雲寒  
洞簫聲絕却驂鸞

又

偷得韓香惜未燒  
吹簫人在月明橋  
草芳似待玉驄驕  
吹絮繡簾春澹澹  
隔香羅帳夜迢迢  
楚魂須著

楚詞招

又

雲外峰巒翠欲埋  
雨沾黃葉溼青鞋  
小驚春色入寒葦  
風月愁新空雁字  
神仙夢冷憶鸞釵  
淒涼不是好情懷

又  
題湖樓壁

一色煙雲澹不消兩峰眉黛爲誰嬌春寒猶占木蘭  
橈燕子似甘愁寂寞海棠未肯醉妖嬈小園嫩約  
尙蕭條

蘭陵王

爲十年  
故人作

鳳簫咽花底寒輕夜月蘭堂靜香霧翠深會與瑤姬  
恨輕別羅巾淚暗疊情人歌聲怨切殷勤意欲去又  
留柳色和秋爲重折十年迴淒絕念髻怯瑤簪衣  
腿香空雙鱗不度煙江闊自春來人見水邊花外羞  
倚東風翠袖怯正愁恨時節南陌阻金勒甚望斷  
青禽難倩紅葉春愁欲解丁香結整新歡羅帶舊香  
官篋淒涼風景待見了更何說

竹屋癡語

十四

又春  
雨

酒塵閣冪冪天垂似幕春寒峭吹斷萬絲溼影和煙  
暗簾箔清愁曉來覺佳景悵悵過却芳郊外鶯恨燕  
愁不管鞦韆冷紅索行雲楚臺約念今古凝情朝  
暮如昨啼紅溼翠春情薄漫一犁江上半篙隄外勾  
引輕陰趁暮角正孤緒寂寞斑駁止還作聽點點  
簷聲沈沈春酌只愁入夜東風惡怕催教花放趁將  
花落溟溟煙草夢正遠恨怎托

水龍吟

雲  
意

舊家心緒如雲乍舒乍卷初無定西郊載雨東城隔  
霧還開晴景愛惱花陰喜移月地朦朧清影任無心

有意溶溶曳曳蕭散處有誰問 朝暮如今難准枉  
教他慣春人恨遠峰依舊前蹤何在有時愁凝此興  
飄然不妨吹斷一川輕暝待良宵再入高唐夢裏覓  
巫陽信

又為放翁壽

道山玉府真仙去年再履論思地西清禁域香淙名  
重年高身退玉振金聲水增川湧德兼才貴愛知章  
引去安單穩駕軒冕付談笑外 蘭玉孫枝競秀奉  
親歡萊衣同戲蓬萊東接苕蘿西顧三山聳翠賜杖  
清朝命堂綠野旒幃高致似太公出將衛公入相為  
蒼生起

竹屋癡語

十五

又為夢庵壽

夜來曾跨青虬海風嫋嫋吹襟袖蓬萊誤入羣仙爭  
問劉郎安否玉塵冰壺日庭星角孕成奇秀看丹分  
寶鼎籙傳祕篋聞重寄長生酒 歸夢驚回晚漏正  
長庚輝纏南斗祥開華旦菊香秋杪張黃霜後筆掃  
龍蛇句裁螭錦俊才誰右看功勛繡衮家聲再振數  
千齡壽

聲聲慢元

壺天不夜寶炬生香光風蕩搖金碧月灑水痕花外  
峭寒無力歌傳翠簾盡捲誤驚回瑤臺仙跡禁漏促  
拚千金一刻未酬佳夕 捲地香塵不斷最得意輸

他五陵狂客楚柳吳梅無限眼邊春色鮫綃暗中寄  
與待重尋行雲消息乍醉醒怕南樓吹斷曉笛

隔浦蓮外

銀灣初霽暮雨鵲赴秋期去淺月窺清夜涼生一天  
風露纖巧雲暗度河橋路縹緲乘鸞女正容與西  
廂舊約玉嬌誰見私語柔情不盡好似冰綃雲縷回  
首天涯又怨阻無語西風魂斷機杼

思佳客

秋扇

入手西風意已羞不須玉斧爲重修撲螢涼夜沈沈  
月障面清歌澹澹秋休棄置且遲留可憐又向篋  
中收莫教暗損乘鸞女漢殿淒涼萬古愁

竹屋癡語

十六

又題太真  
出浴圖

寫出梨花雨後情凝脂洗盡見天真春從翠髻堆邊  
見嬌白紅綃脫處生天寶夢馬嵬塵斷魂無復到  
華清恰如伫立東風裏猶聽霓裳羯鼓聲

又

有約湖山卻解襟晝眠占得一庭深樹邊風色寒滋  
味愁裏年華雁信音驚楚夢聽瑤琴黃花尙可伴  
孤樹斷雲萬一成疎雨卻向湖邊看晚陰

又

翦翠衫兒穩四停最憐一曲鳳清吟同心羅帕輕藏  
素合字香囊半影金春思俏畫窗深誰能拘束少

年心鶯來驚碎風流膽踏動櫻桃葉底鈴

又立秋前一日西湖

不肯樓邊看畫船載將詩酒入風煙浪花濺白疑飛  
驚荷芰藏紅似小蓮  
醒醉夢喚吟仙先秋一葉莫  
驚蟬白雲鄉裏溫柔遠結得清涼世界緣

又中秋後一日借月意

白玉樓臺知幾重夜來望斷廣寒宮一分乍闕嬋娟  
影二八尤宜冰雪容  
雲鬢露□釵風水晶簾幕正  
玲瓏殷勤再爲天香醉可惜清光付曉鐘

永遇樂次韻弔青樓

淺暈修蛾脆痕紅粉猶記窺戶香斷窗空塵生砌冷

竹屋癡語

十七

誰喚青鸞舞春風花信秋宵月約歷歷此心曾許啣  
芳恨千年怨結玉骨未應成土  
木蘭艇子莫愁何在漫繫寒江煙樹事逐雲沈情隨佩冷短夢分今古  
一杯遙夜孤光難曉多少碎人腸處空淒黯西風細  
雨盡吹淚去

玲瓏四犯

水外輕陰做弄得飛雲吹斷晴絮駐馬橋西還繫舊  
時芳樹不見翠陌尋春問著小桃無語恨燕鶯不識  
閒情卻隔亂紅飛去  
少年會失春風意到如今怨  
恨難訴魂驚冉冉江南遠煙草愁如許此意待寫翠  
牋奈斷腸都無新句問甚時舞鳳歌鸞花裏再看仙

侶

御街行賦

香波半宰深深院正日上花陰淺青絲不動玉鉤闕  
看翠額輕籠蔥蒨鶯聲似隔篆煙微度愛橫影參差  
滿那回低挂朱闌畔念悶損無人捲窺春偷倚不  
勝情彷彿見如花嬌面纖柔緩揭瞥然飛去不似春  
風燕

又賦

藤筠巧織花紋細稱穩步如流水踏青陌上雨初晴  
嫌怕溼文鴛雙履要人送上逢花須住纔過處香風  
起裙兒挂在簾兒底更不把窗兒閉紅紅白白簇

竹屋癡語

十八

花枝恰稱得尋春芳意歸來時晚紗籠引道扶下人

微醉

霜天曉角春情

春雲粉色春水和雲溼試問西湖楊柳東風外幾絲  
碧望極連翠陌蘭橈雙槳急欲訪莫愁何處旗亭  
在畫橋側

又

爐煙浥溼花露蒸沈液不用寶釵翻炷閉窗下嬾輕  
碧醉拍羅袖惜春風偷染得占取風流聲價韓郎  
是舊相識

又九日  
蘇堤



霜清水碧冷浸紅雲溼休說季倫錦帳山南岸更花  
密 露滴空翠冪兩峰開霽色不爲穠妝一醉西風  
帽爲誰側

眼兒媚

輕雲終被斷雲留不肯放春愁翠樓舊倚粉牆重見  
歌酒風流 今朝畢竟吟情澹芳意未全酬東風向  
晚鶯花有意吹轉船頭

卜算子

泛西湖坐間寅齋同  
賦○花庵作春晚

屈指數春來彈指驚春去檐外蛛絲網落花也要留  
春住 幾日喜春晴幾夜愁春雨十二雕窗六曲屏  
題徧傷春句

竹屋癡語

十九

西江月

小舫半簾山色斷橋兩岸秋陰芙蓉消息已愁深紅  
染雲機翠錦 幾度煙波共酌半生風月關心飛來  
鷗鷺是知因一笑歌邊醉醒

點絳脣

天外青鸞幾時常向人間住斷歌零舞月上闌陰暮  
憔悴潘郎不解爲花主知何處夢雲愁雨怕向西  
樓去

又

釣月蓬閣載詩卻向旗亭醉翠蒲陰外莫放雙鷗起  
水佩仙裳洒落煙雲意來相試玉綃新製要寫蓬

壺記

踏莎行九日西山

水減隄痕秋生屐齒瘦筇喚起登高意翠煙微冷夢  
淒涼黃花香晚人憔悴懷古風流悲秋情味紫黃  
勸入旗亭醉玉人相見說新愁可憐又溼西風淚

又

花染煙香柳搖風翠春工寫出清明意翠灣還趁畫  
船開粉牆到處驕驄繫歌喚紅裙酒招青旆吟情  
又許春風醉何妨日日爛芳遊今宵先向西城睡

戀繡衾

碧梧偷戀小窗陰恨芭蕉不展寸心暗語近陽臺遠

竹屋癡語

二十

奈秋宵砧斷漏沈月明欲教吹簫去隔驂鸞空留  
怨音從此是天涯阻這一場愁夢更深

風入松春晴

捲簾日日恨春陰寒食新晴馬蹄只向南山去長橋  
愛花柳多情紅外風嬌日暖翠邊水秀山明杜郎  
歌酒過平生到處蓬瀛醉魂不入重城晚穠歡寄桃  
葉桃根繡被嫩寒清曉鶯聲喚醒春醒

又聞鄰女吹笛

粉嬌會隔翠簾看橫玉聲寒夜深不管柔荑冷櫻朱  
度香噴雲鬢霜月搖搖吹落梅花簌簌驚殘蕭郎  
且放鳳簫閑何處驂鸞靜聽三弄霓裳罷魂飛斷愁

裏關山三十六宮天近念奴卻在人間

南鄉子

賦十  
四結

直柱倚冰絃曾見胡兒馬上彈卻笑琵琶風韻古  
幾想像湘妃水一簾塞恨曲中傳兩摺琴絲費玉  
纖不似江南風月好厭厭拍手齊看舞袖邊

洞仙歌

真題

輕痕淺暈偷染春風面恰似西施影兒現擬新妝臨  
鑑一段天真閒態度長恁香嬌玉軟從今懷袖裏  
不暫相離似笑如顰在舒卷願芳容不老只似如今  
嬌不語無奈情深意遠便雨隔雲疎暫分攜也時展  
丹青見伊一見

竹屋癡語

二五二

柳梢青

柳

翠拂晴波煙垂古岸灞橋春色斜帶鴉啼亂縈鶯夢  
愁絲如織爲憐張緒風流正瘦損宮腰褪碧綻綰  
同心留連不住天涯行客

少年遊

草

春風吹碧春雲映綠曉夢入芳煙軟襯飛花遠連流  
水一望隔香塵萋萋多少江南舊恨翻憶翠羅裙  
冷落閒門淒迷古道煙雨正愁人

訴衷情

西樓楊柳未勝煙寒峭落梅天東風渡頭波晚一棹  
木蘭船花態度酒因緣足春憐屏開山翠雨怱雲

嬌盡付愁邊

夜行船

翦水天風吹醉醒高樓外凍雲愁凝袖口香寒歌喉  
春暖不管雁邊寒緊瓊屑瑤花飛碎影應須待玉  
田千頃小約梅英教吟柳絮春在繡紅鴛錦

滿江紅

擊碎空明滄浪晚棹歌飛入西山外紫霞吹斷赤塵  
無迹飛上冰輪涼世界喚回天籟清肌骨看驪珠影  
墮冷光斜蛟龍窟長嘯外綸巾側輕露下織絳涇  
聽洞簫聲在臥虬陰北千萬江妃留醉夢二三沙鳥  
驚吟魄任天河落盡玉杯空東方白

竹屋癡語

二十三

酬江月

靈巖  
甲古

萬巖靈秀拱崇臺飛觀憑陵千尺清磬一聲簾幕冷  
無復宮娃消息響屨廊空採薺徑古塵土成遺跡石  
闕松老斷雲空鎖愁寂專寵誰比輕鬟楚腰吳豔  
一笑無顏色風月荒涼羅綺夢輪與扁舟歸客舞闌  
歌殘國傾人去青草埋香骨五湖波淼遠空依舊涵  
碧

謁金門

煙墅溟隔斷仙源芳徑雨歇花梢魂未醒溼紅如有  
恨別後香車誰整怪得畫橋春靜碧漲平湖三十  
頃歸雲何處問

留春令

淮南道中

斷霞低映小橋流水一川平遠柳影人家起炊煙髣髴似江南岸一馬上東風吹醉面問此情誰管花裏清歌酒邊情又何日重相見

又

粉綃輕試綠裙微褪吳姬嬌小一點清香著芳魂便添起春懷抱玉臉窺人舒淺笑寄此情天渺酒醒羅浮角聲寒正月挂南枝曉

又

玉清冰瘦洗妝初見春風頭面等得黃昏月溪寒愛顧影臨清淺歷盡冰霜空羞怨怨粉香消滅江北

竹屋癡語

二十三

江南舊情多奈笛裏關山遠

又

玉妃春醉夜寒吹墮江南風月一自情留館娃宮在竹外尤清絕貪睡開遲風韻別向杏花休說角冷黃昏豔歌殘怕驚落胭脂雪

太常引

玉肌輕襯碧霞衣似爭駕翠鸞飛羞問武陵溪笑女伴東風醉時不飄紅雨不貪青子冷淡卻相宜春晚湧金池問一片將愁寄誰

浪淘沙

杜鵑花

啼魄一天涯怨入芳華可憐零血染煙霞記得兩風

秋露冷會晚司花 明月滿窗紗倦客思家故宮春  
事與愁賒冉冉斷魂招不得翠冷紅斜

意難忘

代贈

仙子奇容是名花第一美占春風煙香籠淺罩露靚  
浥芳紅憐舞燕惜驚鴻想獨步吳宮料認得嬌雲媚  
雨來自巫峰 風流正與歡濃羨高樓並倚曲影闌  
東燭搖留醉枕塵墜戀歌鍾三弄笛五花驄莫行樂  
匆匆但看取天長地久笑語相逢

雨中花慢

旆拂西風客應漢星行參玉節征鞍緩帶輕裘爭看  
盛世衣冠吟倦西湖風月去看北塞關山過離宮禾

竹屋癡語

二十四

黍故壘煙塵有淚應彈 文章俊偉穎穎露囊鋒巖動  
萬里呼韓知素有平戎手段小試何難情寄吳梅香  
冷夢隨隴雁霜寒立勛未晚歸來依舊酒社詩壇

八歸

重陽前一日懷梅溪

楚峰翠冷吳波煙遠吹袂萬里西風關河迴隔新愁  
外遙憐倦客音塵未見征鴻兩帽風巾歸夢杳想吟  
思吹入飛蓬料恨滿幽苑離宮正愁黯文通 秋濃  
新霜初試重陽催近醉紅偷染江楓瘦筇相伴舊遊  
回首吹帽知與誰同想萸囊酒醜暫時冷落菊花叢  
兩凝伫壯懷立盡微雲斜照中

瑞鶴仙

筇枝

一枝蒼玉冷愛露節霜根從他孤勁提攜遠塵境自  
清癯骨力歲寒心性登臨助興甚偏與芒屨相稱笑  
葛洪陂外騰飛渺渺水閉煙迴尋勝撥開林影斷  
破苔痕緩支幽徑分雲度嶺待隨處問梅信任香挑  
村醕寒抱夜月識盡江山好景扣禪關拘折歸來萬  
緣自靜

竹屋癡語

二十五

竹屋癡語

終





近體樂府

目錄

朝中措 一調

滿庭芳 一調

謁金門 一調

點絳脣 三調

朝中措 二調

醉落魄 二調

西江月 二調

近體樂府

西五月 二調

陽中 二調

金門 一調

陽中 二調

朝中措 二調

醉落魄 三調

滿庭芳 一調

近體樂府目錄 終

近體樂府

宋 周必大

入朝中措勸酒

乘成臺上曉書雲黃色映天庭已謝浮名浮利也知  
來應長生 邊庭臥鼓餘糧棲畝朝野歡聲從此四  
時八節兄弟常醉金觥

滿庭芳

子中兄自安仁遺書云將以重九登高  
祝融峯且有借瓊珮霞裾之語戲往一

闕以  
解嘲

天壤茫茫人心殊觀未免因欠思餘太山丘垤同載  
一方輿那更長沙不溼祝融峯纔比吾廬秋風冷攀  
緣汗浹應歎苦區區 登高聊爾耳何須蠟屐誰暇

近體樂府

膏車點存處清都宛在須臾笑約乘鸞羽客窺倒景

拊掌崎嶇歸來把萸囊菊盞一為洗泥塗

謁金門

和從周宣教韻祝千歲  
壽請呼段馬二生歌之

梅乍吐趁壽席香風度人與此花俱獨步風流天付  
與 好在青雲岐路願共作和羹侶歸訪赤松辭萬

戶鶯花猶是主

點絳脣

葛守坐上出點絳脣道  
思歸之意走筆次其韻

報答風光滿傾瓊液休思睡亂鶯聲碎來往甘棠底  
太守新詞解釋無窮意高歌起浮雲閒事渾付煙

中翠

又 丁亥九月己丑赴池陽  
郡會坐中見梅花賦

白江梅信大都玉斲酥凝就雨肥霜逗癡騃閨房秀  
莫待冬深雪壓風欺後口口口却嫌伊瘦仍怕伊  
儂恹

七夜趙富文出  
家姬小瓊再賦

秋夜乘槎客星容到天心處眼波微注將謂牽牛渡  
見了還非重理霓裳舞都無誤幾年一遇莫訝周

郎顧

朝中措賤生日蒙季懷示朝中措新詞今借原  
韻以作壽餘敬述雅志非泛泛祝詞也

月肩新畫露珠圓今夕正相鮮欲導唐家誕節先生  
漢相韋賢懸知此處鶯遷春谷鴨在秋天斑首算

近體樂府

來旬歲狀頭看取明年

又胡季懷以  
韻季懷常以  
相自即故每戲之○已丑

九重深念朝庭空良弼夢時中季懷有  
時中堂擢第難遵常

制築巖真繼高風明年東府金釵珠履列鼎鳴鐘

頁醞儻分焦革早禾休浸曹公季懷近送酒如醞詰  
之則云秣名早禾酸

醉落魄庚寅四月次江  
西帥吳明可韻

山川迥別赤城自古雄東越鍾英儲秀簪紳列何事

黃扉殊未相黃髮如今袞職那容缺人心恰與天

時合看看孚號彤庭發初破天荒留與後來說明可  
台州

人自云近世  
未有兩府

又

才高句傑飛黃却應鸞和節新詞聊卷波瀾闕泉玉  
淙淨猶不比清切 相逢未穩愁相別南園煙草南

樓月陽關西出重吹徹垂柳新栽寧忍便攀折

明可新創

南園

西江月

暮春魯氏坐上  
次胡邦衡韻

三月羣賢畢集二天五馬生光傳觴擊鼓底匆忙畫  
鶴將飛江上 魯國方虛兩社齊人要復侵疆延英  
引對上東廊應念幽人相望

又

再賦  
送行

藉甚新除刺史歸然舊殿靈光詔書催發權歌忙沙  
路從今穩上 有喜刊除戎索無勞遠撫閩疆日高

近體樂府

三

龍影轉槐廊想見清光注望

近體樂府終

南渡而下詩之富實維放翁文之富實維益公先輩  
爭仰爲大家與歐蘇並稱但卷帙浩繁我明尙未副  
叢余於寅卯間已鐫放翁詩文一百三十卷有奇行  
世而益公省齋諸稿二百卷僅得一抄本句錯字淆  
未敢妄就剞劂倘海內同志或宋刻或名家訂本肯  
不惜荊州之借俾平園叟與渭南伯共成雙璧眞藝  
林大勝事也茲近體樂府數闕特公剩技耳先梓之  
以當相徵券湖南毛晉識

近體樂府跋

以當時論之則此書之出也  
林大觀與公同出五言樂府建閣於公隱於平武林之  
不詳賦賦之詩集平園史與渭南伯共效雙璧豈不  
大效矣哉嗚呼公與伯同志也宋懷短公與伯同志  
也而益公省齋諸稿二百卷僅得一抄本句錯字淆  
未敢妄就剞劂倘海內同志或宋刻或名家訂本肯  
不惜荊州之借俾平園叟與渭南伯共成雙璧眞藝  
林大勝事也茲近體樂府數闕特公剩技耳先梓之  
以當相徵券湖南毛晉識

竹齋詩餘

目錄

沁園春

八調

八聲甘州

一調

乳燕飛

三調

摸魚兒

一調

水龍吟

一調

喜遷鶯

一調

木蘭花慢

四調

滿江紅

三調

酬江月

二調

水調歌頭

二調

六州歌頭

二調

永遇樂

一調

傳言玉女

一調

清平樂

六調

眼兒媚

三調

謁金門

五調

霜天曉角

四調

夜行船

一調

竹齋詩餘目

長相思

一調

烏夜啼

一調

祝英臺近

一調

鵲橋仙

四調

西江月

二調

憶秦娥

一調

定風波

一調

虞美人

三調

踏莎行

一調

蝶戀花

一調

好事近

一調

小重山

一調

醜奴兒

二調

更漏子

一調

減字木蘭花

一調

臨江仙

三調

南鄉子

一調

鷓鴣天

三調

菩薩蠻

三調

浣溪沙

四調

山花子

二調

卜算子

一調

醉蓬萊 一調

醉落魄 一調

江城子 一調

訴衷情 一調

朝中措 二調

柳梢青 一調

滿庭芳 一調

竹齋詩餘目錄

二



竹齋詩餘目錄終

附錄  
卷之二  
雜著  
雜著  
雜著

竹齋詩餘

宋 黃 機

沁園春

奉柬章史君  
再遊西園

問訊西園一春幾何君今再遊記流觴亭北偷拈酒  
戲凌雲臺上暗度詩鬪略略花痕差差柳意十日不  
來紅綠稠須重醉便功名了後白髮爭休 定誰騎  
鶴揚州任書放牀頭醜頭况殷勤鶯燕能歌更舞  
輕狂蜂蝶欲去還留歲月易忘姓名須載筆勢翩翩  
回萬牛歸來晚有燭明金翦香暖珠篝

又壽

六月云初人爭議公公無阻傷記傳飛急羽舟泛海

竹齋詩餘

一

道瀾漫白水路入沙場萬姓三軍倚公爲命法有逗  
遛公自當君還信似崔嵬砥柱屹立瞿塘 此行陰  
德難量到論定纔知滋味長看魚肥蟹健妻孥共樂  
酒煇稻熟翁媪相將何以報公祝公千歲多少人家  
燒夜香凌煙上更聲名凜凜冠劍堂堂

又壽

問訊梅梢小春近也花應漸開記華堂此日紅牙絲  
竹歡聲昨夜翠玉尊疊霧節童童金旂曳曳人自聞  
風立圃來嬉遊處任滄波變陸劫火成灰 行天看  
取龍媒笑衛霍當年如此哉有筆頭文字何妨揮灑  
胸中兵甲解洗氛埃見說君王防秋才子便著芝泥



封詔催功名事付孱顏燕石突兀雲臺

又次岳總  
幹韻

日過西窗客枕夢回庭空放衙記海棠洞裏泥金寶  
傘醱醱架下油壁鈿車醉墨題詩薔薇露重滿壁飛  
雅行整斜爭知道向如今漂泊望斷天涯 小桃一  
半蒸霞更兩岸垂楊渾未花便解貂貰酒消磨春恨  
星珠買笑酬答年華對面青山招之不至說與浮雲  
休苦遮山深處見炊煙又起知有人家

又廖總幹  
席上

暑風清微梅腮漸紅麥鬚未黃恨牡丹多病醫治費  
巧醱醱易老點綴無方客裏光陰愁中意緒想美人

竹齋詩餘

二

吟山水長銷凝處有龍絲墜簡來喚持觴 華堂賸  
貯春光粲一行珠璣時樣妝更燕留輕態詞翻古調  
鶯嬌欲嚙曲度新腔玉漏聲沈銀潢影瀉帶酒猶燒  
心字香歸來也判明虬永日瑞錦鴛鴦

又為潘彬  
州壽

問訊仙翁因勤爲底來萬山中想橘邊丹井鶴尋舊  
約松間碧洞鹿養新茸霧節亭亭星旂曳曳導以浮  
邱雙玉童嬉遊處盡祥煙瑞雨霽月光風 歡聲已  
與天通更日夜杉江流向東定催歸有謂泥香芝檢  
留行無計路熟花驄入侍嚴凝密陪清燕吳水歡然  
相會逢年年裏對春如酒好酒似春濃

又送徐孟堅  
秩滿還朝

人物眇然落落曉星如君幾何有飄搖長袖工持月  
斧寂寥遺韻妙鼓雲和政事文章特其餘事英氣橫  
空時浩歌還堪笑似龍文古鼎誰復摩挲青絲繫  
馬庭柯爲小駐壽君金叵羅說一時偉望齊高岳麓  
二年遺愛拍滿湘波世事多端細憑商畧痛處不須  
言語多從今去好經從烏府躡上蠻坡

又送趙運使  
之江西

有美一人昔在何居今方見之儼瓊纓翠弁氣清芬  
只珠幢絳節光陸離兮吾道非耶世情復參天驥昂  
藏不受羈還知否定曲高寡和才大難施行吟湘

竹齋詩餘

三

水之湄看雲卷雲舒無定姿想粲然長笑物皆有用  
時哉易失我亦奚爲袖手旁觀何如小試欲脫囊中  
失利雖君休歎正梅花將發塵滿征衣

八聲甘州爲憲  
齋詩

問仙翁底事到人間人間足嬉遊向文邊書意詩邊  
著語口滿南州逸韻高情總似野水蕩孤舟所未能  
忘者藥鼎茶甌政恐功名相混便扶搖直上龍尾  
螭頭想塵緣終薄歸去老菟裘有當年東鄰西舍辦  
雞豚相與燕春秋階庭裏兒孫袞袞飛度驂駟

乳燕飛次岳總  
幹韻

擊碎珊瑚樹爲留春怕春欲去駛如風雨春不留分

君休問付與流鶯自語但莫賦綠波南浦世上功名  
花梢露政何如一笑翻金縷繫白日莫教暮 蒼頭  
引馬城西路趁池亭荻芽尙短梅心未苦小雨欲晴  
晴不定漠漠雲飛輕絮算行樂春來幾度鞭影不搖  
鞍小據過橫塘試把前山數雙白鷺忽飛去

又次徐斯遠  
韻寄稼軒

興潑元同宇喚君來浮君大白爲君起舞滿斑斑功  
名洒淚百歲風吹急雨愁與恨憑誰分付醉裏狂歌  
空漫觸且休歌只倩琵琶訴人不語絃自語 詩成  
更將君自賦渺樓頭煙迷碧草雲連芳樹草樹那能  
知人意悵望關河夢阻有心事賤天天許繡帽輕裘  
眞男子政何須紙上分今古未辦得賦歸去

竹齋詩餘

四

又

秋意今如許怪征鞍底事匆匆翩然難駐斗帳屏圍  
山六曲怕見瑣窗欲暮請誰伴梧桐疎雨路入衡陽  
天一角更山環水繞無重數客易口便難阻 相思  
纔信相思苦省疎狂迷歌磔酒把人輕誤問取歸期  
何日是指點庭前幽樹定冷蘂疎花將吐此去西風  
吹雁過家身心別後安平否聊慰我至誠處

摸魚兒

惜春歸送春惟有亂紅撲蔌如雨亂紅也怨春狼藉  
搵得淚痕無數腸斷處更喚起瓊鵲催發長亭路征

鞍難駐但脈脈含顰噀人底事剛愛逐春去 闌干  
憑芳草斜陽凝竚愁連滿眼煙樹鬢鬆不理金釵溜  
鸞鏡一奩香霧花誰主悵玉容寂寞口口春知否單  
衣懶卸任門外東風流鶯聲裏盡日攪飛絮

水龍吟

晴江袞袞東流爲誰流得新愁去新愁都在長亭望  
際扁舟行處歌罷翻香夢回呵酒別來無據恨荼蘼  
吹盡櫻桃過了便只恁成孤負 須信情鍾易感數  
良辰佳期應誤才高自嘆綵雲空詠淩波漫賦團扇  
塵生吟牋淚漬一觴慵舉但丁寧雙燕明年還解寄  
平安否

竹齋詩餘

五

喜遷鶯

香風亭上

平湖百畝種滿湖蓮葉繞隄楊柳冉冉波光輝輝煙  
影空翠溼露襟袖靜愜鄰雞啼午暖逼沙鷗眠晝西  
園路更紅塵不斷蝶酣蜂瘦 知否堪畫處野薺蕪  
菁冑地鋪茵繡桃李陰邊桑麻叢裏斜盞酒帘誇酒  
竹寺小依山趾茅店平窺津口春又晚正香風有客  
倚闌搔首

木蘭花慢

次岳總幹韻

歎鏡中白髮元不向酒邊栽奈詩習未除客愁易感  
膾要安排浮名任他有命怕青山頗怪不歸來出屋  
長松招鶴繞渠流水行杯 浪驅羸馬踏江淮幽夢

苦相催甚狹路嶮崎雄心突兀誰忍徘徊此事正煩  
公等笑曹劉只合作輿臺我自人間屈曲青雲有眼  
休回

又壽

政胡塵滿野問誰與作堅城有老子行年平頭六十  
無限聲名向來試陳大畧便羣兒啁噉耳邊鳴爭識  
規模先定破羌終屬營平吾心惟有忠誠羞媚嫵  
做逢迎謂干戈鋒鏑動關民命此不宜輕聽渠自分  
勇怯奈何他天理若持衡只把從從前不殺也應換  
得長生

又岳總  
幹韻

竹齋詩餘

六

問功名何處算只合付悠悠怕僮僕挪揄長年爲客  
楚尾吳頭春來故園漸好似不應不醉把春休賸買  
萸蒿荻筍河豚已上漁舟人間太半只閒愁簑笠  
夢汀洲向桃花花邊招邀同社秉燭來遊連臺聽渠  
拗倒更甦生元不厭誅求世事翻雲覆雨滿懷何止  
離憂

又

亶文王前子自不與世人同況地望旣華天資更偉  
雲驥行空年少才名蜚動泛星槎曾到廣寒宮桂子  
香濃秋月桃花浪暖春風神仙之說朦朧鉛與汞  
亦何功政磐石規模維城事業倚重周宗休要碧油

紅旆趁黑頭時節做三公堂上雙親未老穩看金紫  
重重

滿江紅

呀鼓聲中又妝點千紅萬綠春試手銀花影粲雪梅  
香馥歸夢不知家近遠飛帆正掛天西非記年時歌  
舞綺羅叢憑誰續 煙水迥雲山簇勞悵望傷追琢  
把蛛絲鵲喜意口占卜月正圓時羞獨照夜偏長處  
憐孤宿悔從前輕被利名牽征塵撲

又

萬竈貔貅便直欲掃清闕洛長淮路夜亭警燧曉營  
吹角綠鬃將軍思下馬黃頭奴子驚聞鶴想中原父

竹齋詩餘

七

老已心知今非昨 狂鯢剪於菟縛單于命春冰薄  
政人人自勇翹關還槩旗幟倚風飛電影戈鋌射月  
明霜鏗且莫令榆柳塞門秋悲搖落

又

雲暗山昏西風撼一天悲雨隱君問短牆修竹故園  
何處九月江南無雁到素書封了誰傳與侍從頭拚  
却把心寬還如故 吳姬唱燕姬舞持玉斝溫瓊醕  
悵人生歡會一年幾許莫上小樓高處望樓前詰曲  
來時路便直須疋馬兩蒼頭東歸去

酬江月

春愁幾許似春雲藹藹連空無數口口眉尖偏易得

沒箇因由分付楊柳煙濃海棠花暗綠漲橋頭路小  
樓應是有人和淚凝<sub>止</sub>長記寶軸妝成鴛鴦繡嬾  
輕笑歌金縷香雪精神依舊否風月誰憐虛度帶減  
衣寬十分憔悴兩下平分取黃昏可更子規聲碎煙  
鴛

又

東籬成趣有西風解事催開叢菊碎摺黃金誰試手  
一一清香堪掬露溼涼輕霞凝寒重秀發如新沐宮  
妝勻就豈知紅紫巖俗因念昔日淵明微官不受  
歸伴花幽獨彈壓秋光三徑裏濁酒牀頭初熟飲劇  
腸寬醉深吻燥更把綸巾漉此翁無恙喚渠同醉船

竹齋詩餘

八

玉

水調歌頭

為施少儀作

此日足可惜心事正崔嵬江淮踏徧經歲相識定誰  
來每向酒邊長嘆更向花邊長笑意慮叵能猜邂逅  
忽相遇有客在塵埃脫儒冠著武弁太多才筆墨  
爭似鉤戟容易到雲臺餘子何須轉手便把平生習  
臆勇去莫徘徊事業上金石人世自懽哀

又

次下洞流杯亭作

金篆鏤巖穴玉斧鑿山湫飛泉濺沫無數六月自生  
秋天矯長松千歲上有冷然天籟清響眇難收亭屋  
創新觀客鞅棹還留推名利付飄瓦寄虛舟烝羔

釀林酷甕戢戢蟻花浮喚取能歌能舞乘興攜將高  
處杯酌薦崑球徑醉雙口口白眼視庸流

六州歌頭

岳總幹曠括上吳荆州  
啟以此腔歌之因次韻

百年忠憤無淚洒江濱曹劉事埋露草鑽煙榛哭英  
魂此恨有誰知者時把劍頻看鏡徒自苦拳破裂眼  
眇昏從古時哉去速鄆人子反袂傷麟望家山何在  
袞袞已盤纓欲剗還生猛堪驚膏肓危病寧有藥  
鍼七具獻無門荆州啟條舊畫漢將軍不已存便合  
囊封去倉庾地尙間關此不用心漫有恐無干人世  
懽哀數耳天或者又假人言又一番春盡高柳暗如  
雲夢斷重閣

竹齋詩餘

九

又

次岳總  
幹韻

將軍何日去築受降城三萬騎貔貅虎戮鯢鯨洗滄  
溟試上金山望中原路平於掌百年事心未語淚先  
傾若若纍纍印綬偏安久大義誰明倚危闌欲徧江  
水亦吞聲目斷蘋汀海門情 停杯與問焉用此手  
雖口積如京波神怒風浩浩勃然興捲龍腥似把渠  
忠憤伸懇請翠華巡呼壯士挽河漢蕩蕩擄槍長算直  
須先定如細故休苦縈縈正清愁滿抱鷗鷺却多情  
飛過郵亭

永遇樂

章史君  
席上

別院春深華堂晝永嘉讌初啟翠玉尊疊紅牙絲管



睡鴨沈煙裏弄晴雲態行空絮影漠漠似飛如墜最  
多情紫綵團就錯落亂星流地 史君自有元龍豪  
氣喚客且休辭醉蝶困蜂酣燕嬌鶯妬懽意濃如此  
侃其笑語止乎禮義衣佩細紉蘭芷遙歸去殘更欲  
盡曉鴉又起

傳言玉女

次岳總幹韻

日薄風柔池面欲平還皺紋楸玉子磔磔敲春晝  
綉半捲花氣濃熏香獸小團初試轆轤銀聳 夢斷  
陽臺甚情懷似病酒鳳奩羞對比年時更瘦雙燕乍  
歸寄與綠牋紅豆那堪又是牡丹時候

清平樂

竹齋詩餘

十

西園啼鳥留得春多少客裏情懷無日好愁損連天  
芳草 博山灰冷香殘微風吹滿銀箋卓午花陰不  
動一雙蝴蝶團團

又

東邪宰

曉窗晴日一點黃金橘萬事如毛隨日出多少人間  
頭白 未春長恨春遲春來生怕春歸辦取羯天籟  
鼓莫教孤負茶蘼

又

爲繆推官壽○清容謬之亭名也

煙融雨膩春去三之二了却蘭亭脩禊事判與仙翁  
一醉 方壺日月偏長清容花草吹香辨取此身強  
健功名飽看諸郎

又壽林

釵頭蝴蝶趁舞梅邊雪酒瀉黃滕光奪月歲歲年年  
蕉葉邊城鶯喚春來沙場馬到秋肥脫却熊韜虎  
略換渠金甲牙旗

又

風韶煙膩春事三之二說與人生行樂耳富貴古來  
如此西園已有心期姚黃魏紫開時纖指金荷漱  
灑香脣銀竹參差

又江上  
重九

西風獵獵又是登高節一片情懷無處說秋滿江頭  
紅葉誰憐鬢影淒涼新來更點吳霜孤負萸囊菊

竹齋詩餘

士

瑣年年客裏重陽

眼兒媚

粉牆朱閣映垂楊晴絲小池塘東風颺暖單衣初試  
晝日偏長鬢鬆兩鬢飛雲影鈿合未梳妝闌干側  
畔閒拋荔子驚散鴛鴦

又

東風挾雨苦無端惻惻送輕寒那堪更向湘灣六六  
淺處留船詩闌酒戲成孤負春事已闌珊離愁都  
在落花枝上杜宇聲邊

又

莫嗔日日話思歸歸也却便宜東鄰招茗西鄰喚酒

一笑開眉 人生萬事無緣足待足是何時妻能紡  
績兒能耕穫未必寒飢

謁金門

風又雨牆外落紅無數人不歸來春不住佳期還已  
誤 細細一團愁緒薄倖疎狂何處化作青鸞飛得  
去問天天亦許

又

風雨後枝上綠肥紅瘦樂事參差團不就一春如病  
酒 樓外暖煙楊柳憶得年時攜手燕子雙雙來未  
久頗知人意否

又

竹齋詩餘

三

愁萬疊春在雨條煙葉翠袖倚風寒霎霎傍闌看乳  
鴨 何處一聲啼鴉架上茶蘼欲雪繡被熏香香未  
歇可憐音信絕

又

壽何合

冬十月記取生申時節梅傍小春融絳雪淺寒猶未  
却 且醉笙歌蕉葉富貴不須頻說國太夫人頭半  
白看君金印燁

又

秋晚口蕙  
花爲賦

秋向晚秋晚蕙根猶暖碧染羅裙湘水淺羞紅微到  
臉 窈窕繡簾圍徧月薄霜明庭院妝罷寶奩慵不  
掩無風香自滿

霜天曉角

梅

玉粲冰寒月痕侵畫闌客裏安愁無地爲徙倚到更  
殘問花花不言嗅香香欲闌消得个温存處山六  
曲翠屏間

又

儀真江  
上夜泊

寒江夜宿長嘯江之曲水底魚龍驚動風捲地浪翻  
屋詩情吟未足酒興斷還續草草興亡休問功名  
淚欲盈掬

又

金山香  
海亭

長江千里中有英雄淚却笑英雄自苦興亡事類如  
此浪高風又起歌悲聲未止但願諸公强健吞海

竹齋詩餘

三

上醉而已

又

夜舟過  
峨眉山

江涵落日風轉飛帆急問訊峨眉好在無一語送行  
客閒情眠未得倚窗消酒力却怕魚龍驚動且莫  
要夜吹笛

夜行船

京口  
南園

紅濺羅裙三月二露桃開柳綿又起百尺遊絲罥鶯  
留燕判與南園一醉歷歷斜陽明野水倚危闌暮  
雲千里說似遊人直須燒燭早晚綠陰青子

長相思

峨眉  
亭

東梁山西梁山占斷長江相對間古今雙鬢斑天

漫漫水漫漫人事如潮多往還淺顰深恨間

烏夜啼

雲容曉色相涵征驂碎點遙山山如豆是淮南 路  
漸遠家漸遠恨難堪見窗花葉底鬢旣毵

祝英臺近

試單衣扶短策沙路淨如洗乍雨還晴花柳自多麗  
爭知話別南樓片帆天際便孤了同心連理 鎖縈  
繫謾有羅帶香囊殷紅鬪輕翠一紙濃愁無處倩雙  
鯉可堪飛夢悠悠春風無賴時吹過亂鶯聲裏

鵲橋仙

次韻湖上

黃花似鈿芙蓉如面秋事淒然向晚風流從古記登

竹齋詩餘

四

高又處處悲絲急管 有愁萬斛有才八斗慷慨時

驚俗眼明年一笑復誰同料天遠爭如人遠

又

壽苟宰

松梢擎雪竹枝溥露炯炯照人清韻仙家譜系合長  
生元不藉藥爐丹井 凌雲壯志垂天健翮九萬扶  
搖路穩發聞政最有公車定飛下日邊音信

又

一番雨過江頭綠漲催喚扁舟解去重來言語是相  
寬怎得似而今且住 陽關聲斷同心未縮簌簌淚  
珠無數秋鴻春燕往還時莫忘了錦牋分付

又

薄情也見多情也見不似這番者相如何容易買歸  
舟報南浦桃花綠漲 隨君無計留君無計贏得淚  
珠兩行夕陽明處一回頭有人在高樓凝望

西江月

泛洞庭  
青草

漠漠波浮雲影遙遙天接山痕一聲漁唱起蘋汀名  
利緣渠喚醒 短棹凝鸞西子長吟時弔湘靈白鷗  
容我作同盟占取兩湖清影

又

垂絲海棠一  
名醉美人

燃翠低垂嫩萼勻紅倒簇繁英穠纖消得比佳人酒  
入香肌成暈 簾幕陰陰窗牖闌干曲曲池亭枝頭  
不起夢春醒莫遣流鶯喚醒

竹齋詩餘

五

憶秦娥

秋蕭索梧桐落盡西風惡西風惡數聲新雁數聲殘  
角 離愁不管人飄泊年年孤負黃花約黃花約幾  
重庭院幾重簾幕

定風波

短策飄飄勝著鞭攜壺與客洗愁顏興到爲君捋劇  
飲狂甚論詩說劍口瀾翻 畫燭燒殘花影褪口口  
長鯨要使百川乾醉處不知誰氏子只記開窗臨水  
便迎山

虞美人

黃州江上  
寄王帥

三年萬里黃塵路只欠江湖去扁舟二月下湘灣過

了洞庭青草又春殘

□□□□□□□□□□□□□□□□

又

十年不作湖湘客亭埃催行色  
淺山荒草記當時篠竹籬邊  
羸馬向人嘶書生萬字平  
戎策苦淚風前滴莫辭衫袖  
障征塵自古英雄之楚又之秦

又

雲情雨意纔端的津鼓催行色  
因緣雖淺是因緣猶勝當初  
無分小留連劉郎雙鬢青  
堪照君也方年少尊前不用  
苦沾衣未信桃源別後路成迷

踏莎行

竹齋詩餘

六

雲樹參差煙蕪平遠沙頭只欠飛來雁  
西風方做一分秋淒涼已覺難消遣  
窗底燈寒帳前香暖回腸偏學  
車輪轉剩衾閒枕自無眠譙門更著  
梅花怨

蝶戀花

碧樹涼颺驚畫扇窗戶齊開秋意參  
差滿先自離愁裁不斷蛩螿更作聲  
聲怨山繞千重溪百轉隔了溪山  
夢也無由見歸計憑誰占近遠銀  
缸昨夜花如慘

好事近

鴻雁幾時來目斷暮山凝碧別後  
故園無恙定芙蓉堪折休文多病  
廢吟詩有酒怕浮白不是孤他詩

酒更孤他風月

小重山

梧竹因依山盡頭瀟瀟疎雨後幾分秋輕涼無數入  
西樓憑闌人滿眼動離愁 飛鴛下汀洲怕知鴻雁  
到帶書否詩闌酒戲一齊休人如削身在水邊洲

醜奴兒

綠陰窗几明如拭粉黛初勻無限芳心翻動牙籤却  
帶人 多嬌愛學秋來曲微顫朱唇別後銷魂字底  
依稀記指痕

又

綺窗撥斷琵琶索一一相思一一相思無限柔情說

竹齋詩餘

七

似誰 銀鈎欲寫回文曲淚滿烏絲淚滿烏絲薄倖  
知他知不知

更漏子

秋點長秋夢短怕見黃昏庭院風窸窣雨蕭騷倚窗  
魂欲銷 候蛛絲占鵲起依舊濃愁一紙紅袖黝翠  
鈿 蕩淚痕猶未乾

減字木蘭花

西風浙浙滿眼芙蓉紅欲滴無限相思百疊青山百  
曲溪 憑誰說與衣帶別來寬幾許好片心腸不道  
秋來早晚涼

臨江仙



上已清明都過了客愁惟有心知子規昨夜忽催歸  
驛程那復記魂夢已先飛 回首故園花與柳枝枝  
葉葉相思歸來拚得典春衣綠陰幽遠處不管盡情  
啼

又

鳳翥鸞飛空燕子寶香猶惹流蘇舊歡淒斷數行書  
終山方種玉合浦忽還珠 午枕夢圓春寂寂依然  
刻雪肌膚覺來煙雨滿平蕪客情殊索莫肯喚一尊  
無

又

寒食清明都過了客中無計留春東風吹雨更愁人  
繫船芳草岸始信是官身 悵望故園煙水闊幾時  
匹馬駸駸別腸何止似車輪磔天天不管轉作兩眉  
顰

南鄉子

簾幕闕深沈燈暗香銷夜正深花落畫屏簷鳴細雨  
岑岑滴破相思萬里心 曉色未平分翠被寒生不  
自禁待得夢成翻惡況堪顰飛雁新來也誤人

鷓鴣天

細聽樓頭漏箭移客牀寒枕不勝欹淒涼夜角偏多  
眼吹到梅花第幾枝 人間闊雁參差相思惟有夢  
相知謝他窗外芭蕉雨葉葉聲聲伴別離

又元日呈  
王帥

柳際梅邊臘雪乾，  
釵頭蝴蝶又成團。  
飄零萍梗江湖客，  
冷落笙簫燈火天。  
澆濁酒，  
惜流年。  
牙旗夜市幾時穿。  
太平樂事終須在，  
老去心情恐不然。

又

濟楚偏宜淡薄妝，  
冰涵清潤玉生香。  
祇因夢峽成雲雨，  
便擬吹簫誇鳳凰。  
新間阻，  
舊思量。  
多晴翻不似垂楊。  
年年纔到春三月，  
百計飛花入洞房。

菩薩蠻

池落開偏蓮房老，  
秋聲已入梧桐表。  
葵扇與桃笙，  
尚宜相帶行。  
危亭三百尺，  
爽氣真堪挹。  
淪茗且盤旋。

竹齋詩餘

五

翩翩吾欲仙

又

相思繞徧天涯路，  
相思不識行人處。  
多病怕逢春，  
那堪春正深。  
日高梳洗懶，  
鸞鏡香塵掩。  
雙鬢綠鬢鬆，  
一簾花信風。

又

惜山不厭山行遠，  
山中禽鳥頻驚見。  
小雨似憐春，  
霏霏容易晴。  
青裙田舍婦，  
餽餉前村去。  
溪水想平腰，  
喚船依斷橋。

浣溪沙

舊刻誤入山花  
子二闕今分出

綠鎖窗前雙鳳奩，  
調朱勻粉玉纖纖。  
妝成誰解盡情

看柳轉光風絲裊娜花明晴日錦爛斑一春心事  
在眉尖

又

日轉雕闌午漏分井梧落盡小窗明寶牀絲索嬾關  
心愁壓春山應脈脈困凝秋水想沈沈低頭時露  
一灣金

又

墨緣衫兒窄窄裁翠荷斜鞞領雲堆幾時踪跡下陽  
臺歌罷櫻桃和露小舞餘楊柳趁風回喚人休訴  
十分杯

又

竹齋詩餘

三

著破春衫走路塵子規啼斷不禁聞功名似我却羞  
人象板且須歌皓齒畏蹠何苦惜黃金尊前休負  
此生身

山花子

送杜仲高

綠綺空彈恨未平可堪執手送行人碧酒漫將珍重  
意莫辭斟我定憶君吟渭北君須思我賦停雲未  
信高山流水曲斷知音

又

流轉春光又一年春愁盡日兩眉尖草草幽歡能幾  
許已天邊會得音書生羽翼免教魂夢役關山簾  
捲落花千萬點雨如煙

卜算子

東趙  
僉

憶自別郎時數到郎歸日及至郎歸郎又行淚臉香  
紅溼殘夢怕尋思眉繡慵收拾夏簟青青白晝長  
背倚闌干立

醉蓬萊

壽史  
帥

政槐雲濃翠榴火殷紅暑風涼細紫府神仙向人間  
游戲瑞節珠幢瓊纓寶珮炯冰壺標致經濟規模登  
庸衣鉢家傳如此禮樂醇儒詩書元帥盡洗凡蹤  
平吞餘子敬簡堂深且從容一醉慶社編編功名袞  
袞比衡山湘水更把陽和從頭付與滿門桃李

醉落魄

竹齋詩餘

三

藕花初發熏風庭院涼成雲碧紗金縷籠香雪記得  
年時心事憑闌說如今陡頓音書絕夜窗羞見團  
團月錦囊塵暗黃金玦留取多情歸趁好時節

江城子

次洪如  
晦韻

醉來玉樹倚風前舉吟鞭指青帘烏帽低昂搖兀似  
乘船傍路誰家妝束巧斜映日半窺簾尋歡端合  
趁芳年對鷓絃且陶然紙上從渠劉蹶與羸顛漠漠  
綠陰春復夏多少事總懸天

訴衷情

宿琴坊  
江上

子規聲老又殘春猶作未歸人天意不能憐客何事  
苦教貧歸去也莫逡巡好從今秧田車水麥隴腰

鎌總是關心

朝中措

駁雲行雨苦無多晴也快如梭春思正難拘束客愁誰爲銷磨 尋花覓讖傳杯託意種種蹉跎消息不來雲錦淚痕溼滿香羅

又

逢逢船鼓綠楊津彼此是行人先自離愁無數那堪病酒傷春 岸花檣燕低飛欸語滿面殷勤後會不知何日因風時惠嘉音

柳梢青

征路迢迢征旗獵獵征袖徘徊撲簌淚珠怕聞別語

竹齋詩餘

三

慵舉離杯 春風花柳齊開只喚做愁端恨媒一片衷腸十分好事等待回來

滿庭芳

次仁和韻時欲之官永興

二十年間舊遊踪跡夢飛岳麓湘灣征衫再理秋老菊花天爲客問君何好愛水光山色爭妍經行處旗亭酌酒曾記屋東偏 噫其吾甚矣不慚蹇拙欲鬪嬋娟辦輕輿短艇強載衰顏人道彬陽無雁奈情鍾藕斷絲聯須相憶新詩賦就時復寄吳牋

竹齋詩餘終

草堂詩餘若干卷向來豔驚人目每秘一冊便稱詞  
林大觀不知抹倒幾許騷人卽如次仲幾叔輩不之  
寵柳嬌花燕斲鶯耽等語何愧大晟上座耶草堂集  
竟不載一篇真堪歎息余隨得本之先後次第付梨  
凡經商縉羽之士幸兼擷焉秋分日湖南毛晉識

竹齋詩餘跋

10392

